

Javna rasprava o prezentaciji radne verzije Drugog nacionalnog izvještaja o provedbi Aarhuske konvencije u BiH – Brčko

28.11.2013., Zgrada Direkcije za finansije

Zapisnik

Učesnici: Pogledati listu učesnika u prilogu

Uvodni dio

U uvodnoj riječi predstavnice OSCE Misije u BiH, predstavnika FBiH Ministarstva za okoliš i turizam, te predstavnika Vlade Brčko Distrikta dat je pregled sadržaja izvještaja same implementacije Aarhuske konvencije (AK) i izrade Drugog nacionalnog izvještaja o provedbi Aarhuske konvencije u BiH (NIR 2013.) Power point prezentacija je dostupna na ovom linku....

Komentari/pitanja učesnika i pruženi odgovori

- Učesnici javne rasprave su iskazali zabrinutost zbog zloupotrebe okolišnih dozvola u Brčko Distriktu (BD) od strane građana.
- Obraćena je pažnja i na pitanje zatvaranja javne deponije smeća u BD, te je naglašeno da se prema Zakonu o zaštiti životne sredine BiH, data deponija nije smjela zatvoriti. Rečeno je i da je proces rješavanja date problematike usporen i samom smjenom gradonačelnika, te iz drugih razloga.
- Predstavnik FBiH Ministarstva za okoliš i turizam (FMOiT) je naglasio da su rješenja moguća u slučajevima poput javne deponije BD i to prije svega kroz krivične kazne koje se mogu koristiti, međutim, problem je u tome što se ne implementiraju.
- Jedan od predstavnika medija je iskazao da su mediji pokazivali interes za prikupljanje i prenos informacija o pitanjima okoliša u BD javnosti, međutim Inspektorat BD se pokazao vrlo netransparentnim, te mediji nisu naišli na pozitivan odziv.
- Predstavnica Vlade BD je izjavila da BD ima stanicu za praćenje kvaliteta vazduha još od 2007., te da su podaci o zagađenosti vazduha dostupni na web stranici Eko portala BD. Naglašeno je da Vlada BD također na pozive građana izlazi na lokacije kako bi uslišala žalbe i rješila postojeće probleme.
- Dat je općenit komentar o niskom nivou ekološke svijesti.
- Učesnici su saglasno izjavili da napredak BiH i napredak svijesti u domenu okoliša u BiH nije uslovno vezan za EU integracije, nego bi trebalo da egzistira neovisno od tog procesa.
- Tokom diskusije su date i pohvale, od strane učesnika, na uspješnost organizacije javnih rasprava i na iznimnu koordinaciju procesa prikupljanja informacija za izradu NIR-a 2013. od strane 31 državne institucije i NVO sektora.
- Zatraženo je i pojašnjenje o budućim planovima vlasti po pitanju rješavanja problematike deponije u Brčkom.
- Predstavnik FMOiT je iskazato da, iako sve opštine u BiH imaju opštinske deponije otpada, inicijalni cilj, do kraja 2012. koji nažalost nije u potpunosti postignut, je bio napraviti 14-16 regionalnih deponija. Do sada je samo jedna trećina postignuta (tj. 5 deponija). Naglašeno je da je FBiH Ministarstvo, iz federalnog budžeta,

izdvojilo oko 5 miliona za opštine Federacije za implementaciju projekta uspostavljanja deponija po pravilniku i u skladu sa zakonom. Rečeno je i da sve deponije smeća koje su nepropisne se moraju pretvoriti u stanice za selekciju i otpremu otpada u skladu sa zakonom. Predstavnik je dalje izjavio “Otpad je novac, a ne smeće, prema tome potrebno je adekvatno riješiti problem otpreme i recikliranja svog smeća.”

- Učesnici su nadalje postavili pitanje o tome zašto se kazneno ne gone ljudi koji krše zakon u domenu zaštite okoliša, na što je odgovoreno naglaskom na činjenicu opšteg nepoštivanja i neprimjene zakona u BiH.
- Šef Službe za turizam BD kao učesnik je pohvalio organizaciju javne rasprave, te naglasio da se nijedan oblik turizma u BiH ne smije odvijati na račun životne sredine. Dalje je rekao da se pitanje svih divljih deponija smeća mora riješiti, te da organizatori javne rasprave imaju punu podršku Službe.
- Kratko se razgovaralo o problematici uvoza nekih proizvoda u BiH koji su u EU zabranjeni, npr. toplomjeri sa živom. Grupa učenika Medicinske škole u Brčkom, Smjer ekološki tehničar, komentarisala je nepostojanje dovoljne podrške – osim u školi – za njihove projekte i napore.
- Predstavnik FMOiT na pitanja i izjave učesnika je odgovorio da uvoz određenih dobara u BiH, kao što su toplomjeri sa živom, predstavljaju jedan dio dugotrajnog i dalekosežnog procesa koji je čak i u EU tek začet. Međutim, naglašeno je da će i BiH u dogledno vrijeme pokušati sprovesti iste mjere. Predstavnik je također izjavio da se u BiH moraju uvesti deponije smeća koje će se baviti odlaganjem različite vrste otpada, te se postepeno ide u taj proces, koji naravno ima i svoju cijenu.
- Predstavnica nevladine organizacije Centar za održivi razvoj u BD je naglasila da Centar ima jako dobru saradnju sa Vladom BD, te da su uspjeli sprovesti niz uspješnih projekata u domenu zaštite životne sredine. Data je preporuka da se otvori i Aarhus centar u Brčkom, a Centar za održivi razvoj je upućen na saradnju sa formiranom mrežom Aarhus centar u BiH.

Zapisnik sačinila: Emina Durmo